

الغبرا البيضا

مِش قسايد بس، هَو نقحا
عن سنين بعاد. ياي! شو بعاد.
مرّو كَأنو العمر شي لَمحا
بقصّا طويلي. وراق كانو جداد
عِتقو، يَ لوُنن باخ. في بقحا
ما بتنمحا حتى تصير رماد.

حزيران راح، سَمَرّت القمحا
أيلول نَسَم. ما بقا ينزاد
يَللي نتلا. وعم تزغر الفَسحا.
الأوتار عَ الدقّ ارتخو، العوَاد
رَدّ النغم للعود. والشلحا
عم تنطوي وتنطوي معا العياد.
وسنين تبري تلفح اللفحا
وتحفّ متل الدعس عَ السجّاد.

كنا نهجّي، يتزكّر؟ الفتحا

الضمّي، الكسرا، سكون. لو ينعاد

طبع العمرت نقحو. وقحا

التكات ما بتشفق، ولا العداد،

دايق الحب، العرس والطرحا،

ليل الأنوسي وتلجة الميلاد.

مش كل غبرا في إلا مسحا

وكتنا مبارح يا صديقي ولاد.

تيابوغ الفسطان

رحناغ العيد

وشربنا نبيد

عتيق بيعقص.

شربنا وكترنا

ت دحنا وصرنا